



**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD VISOKO  
GRADONAČELNIK**

Broj: 09/3-45-1-4393-3/26

Datum: 10.05.2026. godine

Na osnovu člana 70. Zakona o javnim nabavkama Bosne i Hercegovine ("Službeni glasnik Bosne i Hercegovine" broj: 39/14, 59/22 i 50/24), Pravilnika o javnim nabavkama Grada Visoko broj: 01/1-02-179/24 od 31.01.2024. godine, Pravilnika o izmjenama i dopunama Pravilnika o javnim nabavkama Grada Visoko broj: 01/1-02-1481/25 od 29.08.2025. godine, otvorenog postupka javne nabavke za izgradnju javne rasvjete lokalnih puteva u naselju Uvorići, MZ Gračanica pokrenutog Odlukom o pokretanju postupka broj: 09/3-45-1-4393/26 od 09.04.2026. godine i objavljenog na Portalu javnih nabavki Obavještenjem o nabavci broj: 870-1-3-47-3-47/26 dana 10.04.2026. godine, na prijedlog komisije, gradonačelnik donosi:

**ODLUKU  
o izboru najpovoljnijeg ponuđača**

**I**

Komisija je konstatovala da su ponude ponuđača Konzorcij ELVIK d.o.o. SREBRENİK i PRIMUS GRADUS d.o.o. SREBRENİK i NEXEN d.o.o. BANJA LUKA dostavljene u skladu sa uslovima iz tenderske dokumentacije, dok su ponude Grupe ponuđača SES d.o.o. SARAJEVO i MEVLUDIN COMMERC d.o.o. SARAJEVO, Konzorcij JAVNO PREDUZEĆE ENERGOKOM d.o.o. KAKANJ, ERING d.o.o. ŽIVINICE i TRGOŠPED d.o.o. KAKANJ i ELEKTOCENTAR PETEK d.o.o. TUZLA nepravilne.

U skladu sa navedenim, provedenom e-aukcijom i kriterijem za dodjelu ugovora, najpovoljnijim ponuđačem proglašava se:

**Konzorcij ELVIK d.o.o. SREBRENİK i PRIMUS GRADUS d.o.o. SREBRENİK**  
(sa cijenom ponude u iznosu od 79.000,00 KM bez PDV-a)

**II**

Izabrani ponuđač obavezan je dostaviti dokumentaciju iz člana 45. Zakona o javnim nabavkama u roku od 7 (sedam) dana od dana prijema ove Odluke, a u skladu sa uslovima definisanim u Tenderskoj dokumentaciji.

**III**

Po sticanju uslova za zaključenje ugovora, Ugovorni organ će pozvati izabranog ponuđača radi zaključenja ugovora u skladu sa zahtjevima – uslovima Ugovornog organa navedenim u otvorenom postupku.

**IV**

Odluka stupa na snagu danom donošenja.

**Obrazloženje**

Grad Visoko je pokrenuo otvoreni postupak javne nabavke za izgradnju javne rasvjete lokalnih puteva u naselju Uvorići, MZ Gračanica Odlukom o pokretanju postupka broj: 09/3-45-1-4393/26 od 09.04.2026. godine. Postupak je objavljen na portalu javnih nabavki Obavještenjem o nabavci broj: 870-1-3-47-3-47/26 dana 10.04.2026. godine i u Službenom glasniku BiH broj: 29 od 24.04.2026. godine.

U skladu sa članom 13. Zakona o javnim nabavkama BiH („Službeni glasnik BiH” broj: 39/14, 59/22 i 50/24) i Pravilnikom o uspostavljanju komisije za javne nabavke („Službeni glasnik BiH”, broj:

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



103/14 i 49/23) Komisija je imenovana Rješenjem o imenovanju komisije broj: 09/3-45-1-4393-1/26 od 09.04.2026. godine, u sastavu:

- |                                      |  |
|--------------------------------------|--|
| 1. Adna Smajić, predsjedavajuća      | 1. Zilha Sirčo, zamjenik predsjedavajuće |
| 2. Elma Ganić, član                  | 2. Mirela Zukić, zamjenik člana          |
| 3. Almir Osmanbegović, član          | 3. Amel Aščalić, zamjenik člana          |
| 4. Andrea Mitrović Karačić, sekretar | 4. Abas Avdagić, zamjenik sekretara      |

U roku za dostavljanje ponuda 05.05.2026. godine do 12:00 sati dostavljene su ponude ponuđača:

1. Grupa ponuđača SES d.o.o. SARAJEVO i MEVLUDIN COMMERC d.o.o. SARAJEVO
2. Konzorcij ELVIK d.o.o. SREBRENİK i PRIMUS GRADUS d.o.o. SREBRENİK
3. Konzorcij JAVNO PREDUZEĆE ENERGOKOM d.o.o. KAKANJ, ERING d.o.o. ŽIVINICE i TRGOŠPED d.o.o. KAKANJ
4. ELEKTOCENTAR PETEK d.o.o. TUZLA
5. NEXEN d.o.o. BANJA LUKA

Tenderska dokumentacija je bila objavljena na portalu javnih nabavki. Uvidom Komisije u Izvještaj o preuzimanju TD od strane ponuđača utvrđeno je da su ponuđači koji su dostavili ponude preuzeli TD.

Dana 05.05.2026. godine u 12:15 sati Komisija je pristupila otvaranju blagovremeno pristiglih ponuda. Otvaranju ponuda nisu prisustvovali predstavnici ponuđača.

Predsjedavajuća Komisije je pročitala cijene ponuda i to:

Red. br	Ponuđač	Ukupna cijena KM bez PDV-a	Popust
1.	Grupa ponuđača SES d.o.o. SARAJEVO i MEVLUDIN COMMERC d.o.o. SARAJEVO	85.082,79	/
2.	Konzorcij ELVIK d.o.o. SREBRENİK i PRIMUS GRADUS d.o.o. SREBRENİK	85.062,80	/
3.	Konzorcij JAVNO PREDUZEĆE ENERGOKOM d.o.o. KAKANJ, ERING d.o.o. ŽIVINICE i TRGOŠPED d.o.o. KAKANJ	85.468,60	/
4.	ELEKTOCENTAR PETEK d.o.o. TUZLA	85.469,42	/
5.	NEXEN d.o.o. BANJA LUKA	85.467,73	/

Kada je riječ o dostavljanju kopija zapisnika o otvaranju ponuda Ugovorni organ je postupio u skladu sa članom 63. stav (6) Zakona o javnim nabavkama ("Službeni glasnik BiH", broj: 39/14, 59/22 i 50/24).

Komisija je prilikom ocjene ponuda konstatovala sljedeće:

Ponuda ponuđača **Grupa ponuđača SES d.o.o. SARAJEVO i MEVLUDIN COMMERC d.o.o. SARAJEVO** je nepravilna.

Ponuđač je na str. 48 i 49 ponude dostavio kao ovjerenu kopiju Uvjerenje o podacima registrovanim u matičnoj evidenciji za diplomiranog inženjera građevinarstva koje je izdato 21.01.2020. godine, a na str. 54 i 55 dostavio kao ovjerenu kopiju Uvjerenje o osiguranju za diplomiranog inženjera

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



elektrotehnike koje je izdato 07.01.2020. godine, a što nije u skladu sa tačkom 12.2. b) i c) tenderske dokumentacije kojima je propisano da kod navedenih dokaza koji se dostavljaju kao ovjerene kopije datum izdavanja dokumenta i datum ovjere istog ne smiju biti stariji od 3 mjeseca od dana predaje ponude.

Ponuđač je na str. 51 ponude dostavio Uvjerenje broj: 027-IV/26 od 21.04.2026. godine koje se odnosi na dužinu radnog staža diplomiranog inženjera građevinarstva na kojem stoji sljedeće: *Uvjerenje služi kao prilog ponudi za „Izgradnja javne rasvjete lokalnih puteva u naselju Donja Smršnica, MZ Gračanica“... i u druge svrhe se ne može koristiti, zbog čega se isto ne može prihvatiti jer se ne odnosi na predmetni postupak javne nabavke.*

Ponuda ponuđača **Konzorcij ELVIK d.o.o. SREBRENIK i PRIMUS GRADUS d.o.o. SREBRENIK** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama.

Ponuda ponuđača **Konzorcij JAVNO PREDUZEĆE ENERGOKOM d.o.o. KAKANJ, ERING d.o.o. ŽIVINICE i TRGOŠPED d.o.o. KAKANJ** je nepravilna.

Ponuđač nije za diplomiranog inženjera elektrotehnike dostavio jedan od dokaza iz tačke 12.2. c) tj. uvjerenje/potvrdu o osiguranju izdatu od strane Poreske uprave/Porezne uprave na ime diplomiranog inženjera/inženjera ili uvjerenje/potvrdu o osiguranju izdatu od strane MIO-PIO na ime diplomiranog inženjera/inženjera. Na str. 56 ponude dostavljena je izjava na kojoj nije upisano ime i prezime diplomiranog inženjera elektrotehnike na koga se ista odnosi. Iz Upotrebne dozvole broj: SZR-83.1/23 dostavljene na str. 66 ponude nije vidljiva dužina dizanja korpe, što nije u skladu sa tačkom 12.2. d) tenderske dokumentacije kojom je propisano sljedeće: *Uz izjavu je potrebno dostaviti i ovjerenu kopiju potvrde o registraciji i ovjerenu kopiju upotrebne dozvole iz koje je vidljiva dužina dizanja korpe.*

Ponuda ponuđača **ELEKTOCENTAR PETEK d.o.o. TUZLA** je nepravilna.

Ponuđač nije u ponudi dostavio izjavu da je tehnički opremljen i osposobljen za izvođenje radova koji su predmet nabavke, te da minimalno raspolaže 1 (jednim) vozilom sa korpom sa minimalnom visinom dizanja od 10 metara, traženu tačkom 12.2. d) tenderske dokumentacije. Iz Upotrebne dozvole broj: 5-1142-7535/25-1 dostavljene na str. 82 ponude nije vidljiva dužina dizanja korpe, što nije u skladu sa tačkom 12.2. d) tenderske dokumentacije kojom je propisano sljedeće: *Uz izjavu je potrebno dostaviti i ovjerenu kopiju potvrde o registraciji i ovjerenu kopiju upotrebne dozvole iz koje je vidljiva dužina dizanja korpe.* Ponuđač je pored upotrebne dozvole dostavio kopiju tehničkog opisa hidraulične korpe na str. 84 ponude, koji nije tražen kao dokaz tenderskom dokumentacijom zbog čega se ne može prihvatiti.

Ponuđač je na str. 64 ponude dostavio Potvrdu o uredno ispunjenom ugovoru na kojoj je navedeno da je ukupna vrijednost ugovora 57.465,00 KM, bez naznake da li je navedeni iznos bez PDV-a ili sa PDV-om. Obzirom da se tačkom 12.2. a) tenderske dokumentacije traži dostavljanje potvrde/a o uredno izvršenom/im ugovoru/ima, a koja/je su u vezi sa predmetnom nabavkom iste ili veće vrijednosti od 50.000,00 KM bez PDV-a, iz dostavljene potvrde se ne može utvrditi da li je ponuđač ispunio uslov iz tenderske dokumentacije u pogledu tražene vrijednosti.

Ponuda ponuđača **NEXEN d.o.o. BANJA LUKA** je prihvatljiva, jer je blagovremena, dostavljena u skladu sa uslovima iz tenderske dokumentacije i računski tačna. Ponuđač nije u okviru ponude dostavio dokumentaciju iz člana 45. Zakona o javnim nabavkama.

U skladu sa navedenim, komisija je predložila zakazivanje e-aukcije sa sljedećom rang listom ponuđača:

1. Konzorcij ELVIK d.o.o. SREBRENIK i PRIMUS GRADUS d.o.o. SREBRENIK – cijena ponude 85.062,80 KM bez PDV-a
2. NEXEN d.o.o. BANJA LUKA – cijena ponude 85.467,73 KM bez PDV-a.

Ugovorni organ je zakazao e-aukciju za 11.05.2026. godine u 09:00 sati.

Ul. A. Izetbegovića 12A, 71300 Visoko, tel: 032/732-501, fax: 032/738-330, mail: gradonacelnik@visoko.gov.ba



Dana 11.05.2026. godine Komisija imenovana Rješenjem broj: 09/3-45-1-4393-1/26 od 09.04.2026. godine, u sastavu:

1. Adna Smajić, predsjedavajuća

2. Elma Ganić, član

3. Amel Aščalić, zamjenik člana

4. Andrea Mitrović Karačić, sekretar,

sastala se i pristupila uvidu u izvještaj o toku i završetku e-aukcije.

Komisija je konstatovala sljedeće:

U toku e-aukcije koja je započela dana 11.05.2026. godine u 09:00 sati, a završila istog dana u 09:28 sati došlo je do promjene cijena, te je najpovoljniji ponuđač nakon završene e-aukcije Konzorcij ELVIK d.o.o. SREBRENİK i PRIMUS GRADUS d.o.o. SREBRENİK sa cijenom ponude u iznosu od 79.000,00 KM bez PDV-a.

Komisija je predložila donošenje Odluke o izboru najpovoljnijeg ponuđača:

Konzorcij ELVIK d.o.o. SREBRENİK i PRIMUS GRADUS d.o.o. SREBRENİK sa cijenom ponude u iznosu od 79.000,00 KM bez PDV-a.

U skladu sa navedenim i prijedlogom Komisije odlučeno je kao u dispozitivu.

#### **POUKA O PRAVNOM LIJEKU:**

Protiv ove Odluke ponuđači imaju pravo da izjave žalbu u roku od 10 (deset) dana od dana prijema Odluke. Žalba se ulaže Ugovornom organu u pisanoj formi direktno ili preporučenom poštanskom pošiljkom. Žalba se podnosi u 3 (tri) primjerka.

Ako u roku za izjavljivanje žalbe nije dostavljen dokaz iz člana 105. stav (1) tačka i) Zakona o javnim nabavkama o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, ugovorni organ odbacit će žalbu kao neurednu bez pozivanja žalioca na dopunu ili ispravku. Na ovaj zaključak ugovornog organa žalilac nema pravo žalbe URŽ-u i on je konačan. Protiv ovog zaključka žalilac može pokrenuti upravni spor pred Sudom BiH u roku od 30 dana od dana prijema. Tužba za pokretanje upravnog spora ne odgađa izvršenje pobijanog zaključka, ako Sud BiH ne odluči drugačije. Dokaz iz člana 105. stav (1) tačka i) o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena, obavezno se dostavlja ugovornom organu u roku za izjavljivanje žalbe.

Uplatilac propisane naknade za pokretanje žalbenog postupka ugovornom organu kod kojeg pokreće žalbeni postupak dostavlja dokaz o uplati i kopiju bankovnog izvoda računa sa kojeg je izvršeno plaćanje.

Ako je uplata naknade za pokretanje žalbenog postupka izvršena iz inostranstva uplatilac je uz dokaz o uplati dužan dostaviti i SWIFT kao dokaz o uplati.

Ugovorni organ pri razmatranju žalbe vrši provjeru uplatnih elemenata sa dokaza o uplati u skladu sa Naredbom o uplatnim računima za administrativne takse i naknade Ministarstva finansija i trezora BiH ("Službeni glasnik BiH", broj 30/23 i 61/24) i Uputstva o praktičnoj primjeni Zakona o izmjenama i dopunama Zakona o javnim nabavkama ("Službeni glasnik BiH", broj 50/24) od strane Agencije za javne nabavke BiH.

Naknada za pokretanje žalbenog postupka propisana članom 108. Zakona o javnim nabavkama ("Službeni glasnik BiH" br: 39/14, 59/22, 50/24) uplaćuje se na jedan od navedenih računa i prema sljedećoj instrukciji:

Depozitni račun broj: 3380002210018390 (UniCredit Banka d.d. Mostar),

Depozitni račun broj: 5517902220404858 (UniCredit Banka a.d. Banja Luka),

Depozitni račun broj: 5556000060067744 (Nova Banka a.d. Banja Luka) i

Depozitni račun broj: 1341021020000276 (Asa banka d.d. Sarajevo)



Polja koja se odnose na uplate javnih prihoda moraju biti popunjena na sljedeći način:

1. Broj poreskog obveznika treba da sadrži jedinstveni matični broj građanina, ukoliko uplatu vrši fizičko lice. Ukoliko uplatu vrši pravno lice treba da sadrži trinaestocifreni identifikacioni broj pravnog lica;
2. Vrsta uplate za svaku uplatu treba biti '0';
3. Vrsta prihoda: 722 586 (Naknada za pokretanje žalbenog postupka );
4. Opština treba da sadrži šifru opštine prebivališta tj. sjedišta uplatioca;
5. Poreski period treba da odgovara datumu uplate;
6. Budžetska organizacija: 0405999 ;
7. Poziv na broj treba popuniti brojevima '0'.

Dostavljeno:

1. Grupa ponuđača SES d.o.o. SARAJEVO i MEVLUDIN COMMERC d.o.o. SARAJEVO
2. Konzorcij ELVIK d.o.o. SREBRENİK i PRIMUS GRADUS d.o.o. SREBRENİK
3. Konzorcij JAVNO PREDUZEĆE ENERGOKOM d.o.o. KAKANJ, ERING d.o.o. ŽIVINICE i TRGOŠPED d.o.o. KAKANJ
4. ELEKTOCENTAR PETEK d.o.o. TUZLA,
5. NEXEN d.o.o. BANJA LUKA
6. Evidencija,
7. a/a.-

GRADONAČELNIK  
Mirza Ganić dipl.ing.

